

Kivunjo - Mumuyo Shira Shireio - SW Intro Scriptures

Luka 17:5 Wasu wakammbia, "Mndumii, luengyerie iirikyia."

WaRoma 10:17 Kyasia iirikyia lyekyecha kui kyilya mndu aiicho; na kyilya mndu aiicho kyekyecha kui ionguo Ṙero lya Kristo.

Luka 11:1 Kyasia kyiyeri awei handu halyiwe echiterewa, ammarise, umwi o wanalo sho wakte na lemmbia, "Mndumii, luloshe iterewa chandu Yohane alelo sha wanalo sho wakte."

1 Timoteo 2:1-4 Kyasia kyindo kying'anyi kuta choose nyi iterewiana, iterewa Ruwa shilya lukundi, na iana Ruwa kyipfa kya mbora tsaky. Isto shiwutikye kyipfa kya wandu woose; 2 kyipfa kya wamangyi na wawore wuchilyi, luwe wandu walakyeri ndengyen yi na wawore uforo, kyiiri kya iindia Ruwa na wandu woose. 3 Ikyi nyi kyindo kyicha, nakyo nyi kyindo kyikykunde mbele ya Ruwa Mkyira oru, 4 ulya akundi wandu woose wakyiro, na iirima imanya shikyeri sha loi.

Luka 22:31 Kagamba, "Simion, Simion; Satana namlanga nyoe namuele cha nganu.

Sakaria 3:1,2 - Yuda 1:9 Kyaindi Mikael yi, malaika ang'anyi, kyiyeri alewingana na Mokyiriinzi, na igaluana na oe kyipfa kya mmbiu o Mose, alekaria imshitakyi-pfo, indi na legamba, "Mndumii nakurorome."

WaEfeso 6:12 Kyipfa ikapana lyaru soe chi na wandu-pfo; indi nyi na ngyuumangyi na pfinya, na wang'anyi wa meema-chu, nguulyimalyi tsa warufui wawicho wuyanenyi wo warufui.

WaEfeso 6:10,11 Mafurumionyi, engyerenyi iwaṛa wukari kyiiri kya Mndumii na wuiriminyi wo pfinya tsaky. 11 Raenyi shisha choose sha Ruwa, muiřime iwingana na ngyero tsa Satana.

WaEfeso 6:13-17 Kyipfa kya ikyo irenyi shisha choose sha Ruwa, muiřime iwingana mfiri ya mawicho na mukommarisa choose, igoroka. 14 Kyasia gorokyenyi, muku newie loi shitsinyi, na iringa wusumganyi kyipootenyi, 15 na iwa wandu wakureyerie iyenda ionguo Ndumi Ngyicha ya uforo. 16 Ngosera ya choose mochiambilyia ngawo ya iirikyia, iya kui iyo mochiirima irumisha mfi yoose ya moro ya mmbicho ulya. 17 Lyingyi-se ambilyienyi wukyiro wukyeri cha kofia yanyu ya menya, na Ḙero lya Ruwa cha ushu muenengo nyi Mumuyo.

WaEbrania 4:12 Kyipfa Ḙero lya Ruwa lyiwoře moo, lyingyi-se lyiwoře pfinya; lyingyi-se lyilyiohi kuta ushu loose lo mmbega kuwi; lyingyi-se lyekyekora mrasa lyikairima ilesana mrima na ngoo, na shiwungo na

mafura gakyeri ipfo shiwungonyi; Iyingyi-se lyilyianguhu imanya makusaro na kyilya mrima ukundi.

Luka 4:8 Yesu kagaluo, kammbia, "Kyikyireie 'India Mndumii Ruwa opfo, umterewe oe amonyi.' "

WaEfeso 6:18 Kui shiterewo shoose mochiterewa orio kyiyeri Mumuyonyi, mochilaa kyirombo kyipfa kya kyindo-kyo, mochiterewia wandu wa Ruwa woose;

1 Samolyi 17:45-47 - Dawidi & Goliath

Luka 10:17-20 Naaho-ng'u walya makumi mfungaare walewuya na sia, wechigamba, "Mndumii, maa warufui wawicho wailuindia kui rina lyapfo."

18 Kawawia, "Ngyilewona Satana, echioloka iwuka ruwewu cha mbawa.

19 Ngamuenenga pfinya yechuma njoka na shisheshe, na pfinya tsoose tsa mokytuwa ulya, maa kuwo're kyindo kyemmbutia kyindo kyiwicho-pfo.

20 Kyaindi mulachihiyo kyipfa kya ilyi warufui wawicho waimuindia; indi chihiyonyi kyipfa marina ganyu gamareie ruwewu."

2 WaKorinto 10:3-5 Kyipfa maa chandu luosha shindo sha kyiuyana, lokyekapana shira kui mbare ya kyiuyana-pfo; 4 (kyipfa shisha sha shira sharu chi sha kyiuyana-pfo, indi shiwo're pfinya kyiiri kya Ruwa mrasa iunduo moombo;) 5 lochinyamara makusaro na orio kyindo kyekyeshingya, kyekyeshingya wurango wo Ruwa, na lochichilyia orio mndu nairime iindia Kristo.

2 Timoteo 1:7 Kyipfa Ruwa aleluenenga mrima o wuowu-pfo, indi o pfinya na o ikunda na uwore meena.

Matayo 12:28,29 Kyaindi inyi ngafuna warufui wawicho kui Mumuyo o Ruwa, kyasia Wumangyi wo Ruwa wommaa icha na konyu. 29 Ang'u mndu neiirma kur'a iira na numbenyi ya mndu awore pfinya na imsoka shindo shakte, alapfunga kuwooka icho awore pfinya? Nyi lyo-ng'u echirima iwar'a numba-yo ko pfinya.

WaEfeso 1:13 Na nyoe taa kyiiri kya icho momuicho ulogo lo loi, Ndumi Ngyicha ya wukyiro wonyu. Lyingyi-se momumwirikyia oe, na iwiko fana nyi Mumuyo ulya o kyaasa akyeri Mweele.

Mawuto 19:6 Na Paulo, amwayekyie mawoko, Mumuyo Mweele kasokyia wuye yawo; wakawooka irera kui mre'ie ngyihya na ionguo shisuku.

Mariko 16:15-18 Kawawia, "Yendenyi wuyanenyi koose, mundeonguo Ndumi Ngyicha ko orio kyigumbe. 16 Airikyia na ipatiso nechikyia; alairikyia, nechianduyo. 17 Na shiringyishio-shi shechioshana na iwo wairikyie. Kui rina lyako wechifuna warufui wawicho; wechire'a kui mre'ie ngyihya. 18 Wechiwara njoka; maa wakanyo kyindo kya wuroi; kyechiwawutia kyindo maa ale-pfo. Wechiyekyia mawoko gawo wuye ya

waluoe, nawo wechiwara pfinya."

1 Yohane 1:9 Lukotochia Ruwa ngyuunyamari tsaru, oe nekyeafutsia shilya ateria na namsumganyi mrasa naluwute ngyuunyamari tsaru, na ilusanja wuwicho woose.

Shiimbo 109:17 - Yakobo 3:10 Kyiiri kya rumbu lyilya lyilya kokyewuka mbora na seso. Wana wa wama wako, kyiwari mbonyi-tso tsiwe kuro-pfo.

Ianduya 16:16 - 2 Petiro 2:7,8 kakyira Loti, ulya msumganyi alesokyio nyi fowa mnu kyipfa kya wuwicho wo wanyamari-wo. 8 Kyipfa mndu-chu msumganyi akyeri kyiiri kyawo, kui iwona na iicho, nalekutuura mrima okye uwore wusumganyi, mfiri kui mfiri, kui mawuto gawo galawore uwawaso.

WaEfeso 4:26 Kaponyi nyi nyashi, indi mulanyamare; mnengyeri ulaolokyie nyashi ilandesie.

WaRoma 14:12 Kyasia nyi wuro, orio mndu kyiiri kyaru echiwuta mbonyi tsakte amonyi mbele ya Ruwa.

1 Yohane 2:23 Orio mokana Mana awore Awu-pfo. Moirikyia Mana nawore Awu taa.

Yohane 14:6 Yesu kammbia, "Inyi nyi njia, na wuloi na moo. Mndu ekyecha na ko Awu, sile kui iiria koko-pfo.

Matayo 11:28-30 Nnjonyi na koko, nyoe moose muiwina na muwalemie nyi marjo, na inyi ngyechimuonyonyisha. 29 Warilyienyi irunda-lyi ngyimrambika, mukuloshe koko; kyipfa inyi ngyimhoo na muindi mrimenyi; na nyoe mochiwara uforo mrimenyi konyu. 30 Cha kyipfa kyilya ngyimmbia kyikyicha konyu, na rio ngyimrika lyilyiangu."

2 WaKorinto 6:2 (Cha kyipfa naigamba, "Kyiyeri kyiirikyie ngyilekuaranya, mfiri o wukyiro ngyilekutarama." Kyiyeri kyiirikyie nyi wulalu; mfiri o wukyiro nyi wulalu.)

WaRoma 10:13 kyipfa orio mndu echilaga rina lya Mndumii nechikyiro.

Exodus 20:5 - sin cursed to 3 & 4 generations